

che erano sul Polesene, e tutavia ne azonzeno, a li qualli li dà alozamenti li, sùl colognese.

Dil dito, di 9, ivi. Come ha aviso, le lanze 400 francese, se diceva andar in Verona, sono *solum* lanze 200, apresso quelle altre 200, che li sono al presente. Per quanto lui ozi à aviso da Hostia, l'è butato el ponte sopra Po, per mezo Sacheta, dove passava le dite lanze 200 et fanti 2000, qualli vanno al soldo francese, che vanno a la custodia di Verona. *Præterea* se conferma, da più bande, la morte dil roy di Franza.

Scurtinio di provedador zeneral in la Patria di Friul, con ducati 80 al mexe, con pena.

Sier Zuam Vituri, è provedador in la Patria di Friul, *quondam* sier Daniel.

Sier Piero Gradenigo, *quondam* sier Anzolo, da Santa †.

Sier Andrea Loredan, fo luogotente in la Patria, *quondam* sier Nicolò.

Sier Piero Marzelo, fo provedador zeneral in campo, *quondam* sier Jacomo Antonio, el cavalier.

Sier Zuam Paulo Gradenigo, fo provedador zeneral in campo, *quondam* sier Justo.

Sier Antonio Zustignan, el dottor, fo vice luogotente in la Patria, *quondam* sier Polo.

Sier Alvixe Dolfim, fo provedador zeneral in la Patria di Friul, *quondam* sier Dolfim.

Sier Orsato Zustignan, è di pregadi, *quondam* sier Pollo.

Sier Sabastian Zustignan, el cavalier, fo savio a terra ferma, *quondam* sier Marin.

† Sier Alvixe Mocenigo, el cavalier, fo provedador zeneral, *quondam* sier Thomà.

Sier Marco Antonio Contarini, fo capetanio in Fiandra, *quondam* sier Alvise.

Sier Piero Boldù, *quondam* sier Lunardo.

Sier Nicolò Zustignan, fo a l'asedio di Padoa, *quondam* sier Ferigo.

Sier Nicolò Pasqualigo, fo patron a l'arsenal, *quondam* sier Vetor.

Noto. In questi zorni, per li rectori di Padoa, fo mandato in questa terra alcuni cittadini padoani, erano li, et che si dovesseno apresentar per far neta e libera la terra, tra i qual fo *etiam* fra' Ruffin Lovato, di l'hordine di San Francesco observante, che predicò, horra uno anno, a San Pollo, qual stava a Padoa, a San Francesco, et era valente predichador. Et *dicunt*, fo seoperto certi tratadi di alcu-

ne monache di San Beneto di Padoa, che haveano intelligentia con padoani, et sonno mandate de qui.

Noto. Eri la nova di la morte dil roy di Franza si ave per lettere dil colateral zeneral, da Montagnana, e tuta la terra fo piena.

*Copia di una letera dil conte Hieronimo da Por- 116
zil a sier Zuam Badoer, dottor et cavalier,
data a Romà, a dì 22 mazo, et recevuta a
dì .. zugno, 1511.*

Le nove de Spagna, il re passa con tuti li grandi di Spagna, et porta 400 navi et galieri, et più di 80 milia homeni, et la più grande artiglieria, che mai se vide, su bastimenti, et tanti poxanti, che niuno lo potria dire. Porta 2000 homeni d' arme et 6000 zaneti, et più di XX milia homeni a pedi, *cum* coraleti, arnesi, trinzati et curaze. Porta 2000 franchi arzieri, et 6000 spingauderi; et porta 6000 comandaturi. Va con epso lo gram capetanio, lo duca di Naiara, lo duca di Sibia, lo duca de Linfantazo, lo duca di Medina Celi, lo duca di Burcheche, lo ducha di Vefar Dalmiranti, lo marchese de Pleg, lo marchexe de Canestro, lo marchexe di Storga, lo marchese di Villafrancha, lo marchexe di Moia, lo marchese di Velgliena, lo conte de Vregna, lo conte de Benevente, lo conte de Tendiglia, lo conte de Castegneda, lo conte de Castro, lo conte di Melgar, lo conte de Rimader, lo conte de Montere, lo conte de Luna, la delantata de Nunsia, la delantata de Granata, la delantata de Cazorda *cum* Perologius de Padiglia, et cavalieri similianti li conti, et signori de 4000 ducati, più de cinquecento. La regina de Aragona resta in Valliadolit *cum* tuta la guardia de lo re et dui duchi, lo ducha d' Alva et lo contestabele, et molti episcopi. La regina de Castiglia resta in Turri di Sulglia; in Biscaglia resta Gomes di Buytron con 6000 pedoni, in lo conta' de Roysiglion, ch' è su mille lanze, et gran pedunaria. La spexa che 'l re fa ogni mese cinnchecento cinchanta milia ducati, et questi al mancho, et molti de questi vano, a sua spesa, a servire al re, inbarchasse in Malicha.

Data in Valenza, a li 8 di maio.

Scrive, mandar la sopradita poliza, auta da Valenza; vero è che se ha, per bona via, che 'l re di Franza ha pigliato qualche suspitione de le zente lassate in lo conta' de Roysiglion et im Perpignano *etc.*; le qual, si dice, esser zercha 6000 pedoni, ma non tante lanze, che se dize di sopra.